

Bosna i Hercegovina
BRČKO DISTRIKT
BOSNE I HERCEGOVINE
GRADONAČELNIK



Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
ГРАДОНАЧЕЛНИК

Trg Roberta R. Owena 76100 Brčko distrikt Bosne i Hercegovine, Telefon: +387 49 490-013, Faks: +387 49 490-020.
Трг Роберта Р. Овена 76100 Брчко дистрикт Босне и Херцеговине, Телефон: +387 49 490-013, Факс: +387 49 490-020.

Broj predmeta: 13-001861/21
Broj akta: 01.1-1413EK-0053/22
Datum, 21.2.2022.. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH», brojevi: 22/18 - prečišćeni tekst, 49/18, 08/19, 10/19 i 32/19), u skladu s članom 25 Zakona o javnim nabavkama («Službeni glasnik BiH», broj 39/14) i Rješenja Ureda za razmatranje žalbi u Sarajevu broj: JN2-01-07-1-3449-7/21 od 19.1.2022. godine, Izmjene i dopune Zapisnika o pregledu i ocjeni ponuda sa preporukom Komisije za javne nabavke broj: 13-001861/21 od 9.2.2022. godine i Mišljenja Pravobranilaštva Brčko distrikta BiH broj: M-1242/21-1 od 17.2.2022. godine, gradonačelnik Brčko distrikta BiH d o n o s i,

ODLUKU O IZBORU
NAJPOVOLJNIJEG PONUĐAČA

Član 1

(1) U provedenom otvorenom postupku za nabavku noćne termovizije – binokularne sa montažom i dvogleda za potrebe Policije Brčko distrikta BiH – lotovi 1-2, izabran je najpovoljniji ponuđač kojem se dodjeljuje ugovor za Lot 1.

Naziv najpovoljnijeg ponuđača za Lot 1 je „NEXIS“ d.o.o. Sarajevo.

Lot 1 - Nabavka noćne termovizije – binokularne sa montažom

Vrijednost ugovora sa uračunatim PDV-om iznosi **99.040,50 KM.**

Član 2

Postupak je proveden na osnovu Odluke o pokretanju postupka javne nabavke broj: 14.04.1-13-1383/21 od 13.8.2021. godine, Obavještenja o nabavci na portalu javnih nabavki broj: 1157-1-1-442-3-441/21 od 25.8.2021. godine, specifikacije roba u vezi sa Tenderskom dokumentacijom broj: 13-001861/21 i ponuda najpovoljnijih ponuđača.

Član 3

Finansiranje navedene nabavke će se izvršiti iz kapitalnog budžeta za 2020. godinu, organizacioni kod 13010001, ekonomski kod 821300, naziv projekta: "Noćne termovizije", šifra projekta: 10398.

Član 4

Odluka o izboru najpovoljnijih ponuđača broj:13-001861/21, broj akta:01.1-1413EK-0021/21 od 9.11.2021. godine u dijelu koji se odnosi na dodjelu ugovora za Lot 1 se stavlja van snage.

Obrazloženje

U provedenom postupku nabavke je donesena odluka o izboru najpovoljnijih ponuđača broj: 13-001861/21, broj akta:01.1-1413EK-0021/21 od 9.11.2021. godine o kojoj su bili obaviješteni svi ponuđači u postupku nabavke. Ponuđač „Shot“ d.o.o. Zenica je izvršio uvid u ponudu najpovoljnijeg ponuđača i nakon toga dostavio žalbu na odluku o izboru najpovoljnijih ponuđača u dijelu koji se odnosio na dodjelu ugovora za Lot 1. Ugovorni organ je obustavio postupak dodjele ugovora za Lot 1 dok se ne razmotri dostavljena žalba. Žalba je odbijena kao neosnovana i dostavljeno je izjašnjenje ugovornog organa Uredu za razmatranje žalbi u Sarajevu. Ured je dostavio Rješenje broj: JN2-01-07-1-3449-7/21 od 19.1.2022. godine kojim se žalba žalioaca usvojila, poništila odluka o izboru najpovoljnijeg ponuđača za Lot 1 i predmet vratio na ponovno razmatranje ugovornom organu za navedeni Lot.

Komisija za nabavke je postupila po uputama iz Rješenja Ureda za razmatranje žalbi i konstatovala da su svi žalbeni navodi odbijeni kao neosnovani, osim žalbenog navoda koji se odnosio na ispunjenost zahtjeva iz tehničke specifikacije koji se odnosio na torbicu za nošenje i čvrstu vodootpornu kutiju sa mekanim oblogama. Ured za razmatranje žalbi je u rješenju naveo da ugovorni organ nije pružio konkretan, sadržajno odgovarajući odgovor u odnosu na suštinu kataloške dokumentacije izabranog ponuđača utvrđeno da ponuđena roba ispunjava uslov iz tehničke specifikacije za nabavku „Torbica za nošenje i čvrsta vodotopna kutija sa mekanim oblogama“. Ugovorni organ je trebao da ponovi radnje postupka, utvrdi sve potrebne okolnosti s tim u vezi, navede potpuno obrazloženje u odnosu na navedeno pitanje.

Neophodno je bilo utvrditi da ponuđač suštinski zadovoljava postavljeni zahtjev, nezavisno od načina na koji je prevedena sporna stavka, odnosno da utvrdi da li se radi o čvrstoj vodotopnoj kutiji sa mekanim oblogama. Prije nego što je izvršena ponovna ocjena ponude ponuđača „Nexis“ d.o.o. Sarajevo, konstatovano je da su oba ponuđača dostavila ponudu u skladu sa tehničkom specifikacijom pri čemu su dostavili i ovjerenu i potpisanu tehničku specifikaciju ugovornog organa u svojoj ponudi i oba ponuđača su ponudili identičan proizvod sa pratećom opremom.

Izvršen je ponovni uvid u ponudu ponuđača „Nexis“ d.o.o. Sarajevo i utvrđeno je da je na stranici 29 ponude dostavljen katalog na engleskom jeziku pod nazivom: „Kit Contents: what's in the box“ gdje je pod stavkom 13 navedeno sljedeće: „Soft Carrying Pouch“, a pod stavkom 15 „Waterproof Hard Case with Soft Inset for Carrying and Storage“. Osim toga, na strani 34 ponude, dostavljen je prevod od strane sudskog tumača navedenog dijela kataloga, gdje je stavka 13 prevedena kao „Meka torbica za nošenje“, a stavka 15 kao „Vodotopna tvrda torbica sa mekanim umetkom za nošenje i skladištenje“. Zahtjev ugovornog organa je bio: „Torbica za nošenje i čvrsta vodootporna kutija sa mekanim oblogama.“

Iz navedenog je jasno da ponuđač pod stavkom 13 nudi torbicu za nošenje, dok pod stavkom 15 nudi vodotopnu tvrdu torbicu sa mekanim umetkom za nošenje i skladištenje. Prevod termina „Hard case“ kao tvrda torbica u slučaju stavke 15 je bio povod za usvajanje žalbe.

Zahtijevano je od ponuđača „Nexis“ d.o.o. Sarajevo dostavljanje pojašnjenja ponude. Osim toga, zahtijevano je od svih ponuđača dostavljanje izjave za produženje opcije ponude s obzirom da je validnost ponude uskoro isticala. Ponuđači „Nexis“ d.o.o. Sarajevo, „Shot“ d.o.o. Zenica i KM Trade“ d.o.o. Visoko su dostavili saglasnost za produženje opcije ponude, dok ponuđač „Mibo Komunikacije“ d.o.o. Sarajevo nije dostavio. Ponuđač „Nexis“ d.o.o. Sarajevo je dostavio i

pojašnjenje ponude koje je komisija za javne nabavke analizirala i utvrdila da ispunjava uslove iz postavljene tehničke specifikacije. Komisija je ustanovila da je situacija koja se odnosila na prihvatljive i neprihvatljive ponude ista kao i prilikom prethodne ocjene ponuda tako da se e-aukcija održana 22.10.2021. godine, može iskoristiti za nastavak postupka javne nabavke, tako da nije bilo potrebe zakazivati novu e-aukciju. Iznos najpovoljnije ponude je bio u okviru procijenjene vrijednosti nabavke i Komisija za nabavke je u skladu sa kriterijem najniže cijene dostavila preporuku o izboru najpovoljnijeg ponuđača za Lot 1

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Gradonačelniku,
4. Policiji,
5. Službenom glasniku Brčko distrikta BiH»,
6. Arhivi.

